

Dia 27 di december awor

Pa di 8 aña lo tin Festival di Dande Infantil y Hubenil na Centro di Barrio Tanki Lender

COMISION Promove Cultura di Centro di Barrio Tanki Lender e aña aki atrobe riba 27 december 2009 ta organiza e tremendo Festival di Dande Infantil y Hubenil, cu cada aña ta haya un bon acogida bao nos comunidad.

Na aña 2001 Comision Promove Cultura di Centro di Barrio Tanki Lender a cuminsa cu e Festival di Dande Infantil y Hubenil p'asina promove nos cultura, den e caso particular aki, nos Dande bao di nos muchanan. E acogida durante añanan a bira cada bez mas grandi, bao di e publico como tambe bao

di e participantenan mes.

Banda di cu tur mucha cu ta participa cu un dande semper e gruponan tipico tabata por a participa tambe cu un piesa tipico. Esaki por ta un wals, danza, mazurka of tumba. P'e tipico tambe durante e añanan cu a transcuri semper bay a bin hopi peticion di parti di mayornan como tambe e gruponan tipico pa amplia e cantidad di pieza cu un grupo por participa cune como tipico.

Como tal e aña aki e comision a dicidi pa cumpli cu e deseo aki y ta amplia e participacion den

Tipico cu 1 cantante mas. Esaki nifica cu cada grupo tipico por tin 2 cantante cu por participa cu nan tipico banda di e Dande. Claramente mester tene na cuenta su saliendo di e punto di bista cu cada aña tin un avarahe di 8 grupo tipico, esaki lo nifica cu lo tin 8 pieza extra e aña aki y cu e festival lo por caba un tiki mas lat cu loke ta custumber.

Manera tur aña den Dande lo tin e siguiente categorianan: 7 te cu 9 aña; 10 te cu 12 aña; 13 te cu 17 aña.

Den cada categoria lo saca un Reina y un Rey di Dande p'asina

engrandese nos Festival

di Dande Infantil y Hubenil. Tambe lo saca un di dos y di tres lugar den e cada categoria. Asina ta cu den cada categoria lo tin 4 ganador.

Pa loke ta trata e parti Tipico lo mantene e aña aki ainda cu lo tin un ganador absoluto, manera a bin t'e caso ya caba pa basta aña.

P'e lider of representantenan di e gruponan tipico lo bay tin un reunion diahuebs awor 10 december 2009 pa 19:30 na Centro di Barrio Tanki Lender. Aki e lidernan di grupo tipico por in inscribi nan cantantenan y lo pasa manera

semper riba e reglamentonan.

Nos intencion ta pa haya participantenan den e categoria di edad di 7 te cu 17 aña y asina tambe e Festival di Dande Infantil y Hubenil ta complementa e tremendo Festival Grandi di Dande Nacional cu sr. Harry Croes ya pa hopi aña ta bin ta organizando.

E entrada manera semper ta gratis asina ta dia 27 december 2009 desde 18:00 bo tin un cita na Centro di barrio Tenki Lender. Riba e anochi aki lo bai tin un cushina bon surti cu cuminda y snacks tipico y e bar lo ta bon gestock.